




*Kamis, 18 Maret 2021*

**Ogen: Jeremia 50:1-3**



**Gana-gana Enggo Talu**



**S**ada ancamen man bangsa-bangsa paksa si e eme Kerajaan Babil. Termasuk kerajaan Juda (Israel Selatan) pe seh biarna nandangi bangsa enda. Janah perban biarna pernah ia mindo penampat man Mesir. Babil desken sada kerajaan 'adi kuasa' paksa si e. Janah i bas abad pe limaken sope Kristus bangsa enda me mbaba Kerajaan Juda jadi tabanen ku Babil. Iruntuhkenna Jerusalem ras Rumah Pertoton si pajekken Salomo, janah ibabana kerina ugas-ugas Rumah Pertoton ku Babil.

Amin bage gia Kerajaan si bage gegehna pe labo banci tetap erkuasa, inubuatken Jeremia i jenda eme kerna kiniruntuhenna. Nina Dibata arah Jeremia, *"Momokenlah berita enda man bangsa-bangsa! Bereken tandana jenari momokenlah berita enda! Ola buniken! Babil enggo ndabuh! Merodak dewana enggo meripuk! Berhala-berhala Babil enggo juru! Gana-gana si mbau e enggo idedehi!* Ndabuhna Kerajaan Babil ikawtiken ras ndabuhna dewa-dewana. Gelar dewana i jenda eme Merodak. Pengangkan paksa si e maka adi talu sada bangsa i bas perang maka e sekaligus iakap kinalun dewa entah Dibatana. Bage me pe tupung Israel i buang iakap sekaligus kinalun Dibata si sembahna.

Bage me kita paksa genduari maka kai si jadi man banta labo terlepas ras gelar Dibata i bas geluhta. Ertina kune kita berhasil i bas dahinta si e mahan bana terpuji gelar Dibata. Tapi sebalikna maka kune kita kena ukumen pidana, maka la gelarta ngenca ceda tapi radu ras gelar Dibatanta tercurna. Mbelin kepe tanggungjababta selaku kalak sitek ibas ncidahken ras naksiken Dibatata. Erdandanken si e mari tetap si jadi gelar Dibata si sandit banta.

🔪 *Gelar Dibata sandit i bas dirinta, emaka arus si jaga*